



# **O`zbekiston Respublikasi Namangan viloyati**

## **Namangan tumani hokimining**

### **QARORI**

2021 - yil 15 - noyabr

384-6-82-Q/21

Namangan tumani hokimligi

**Наманган вилояти ҳокимининг 2021 йил 3 ноябрдаги “Ўзбекистон Республикаси Президентининг 2021 йил 2 ноябрдаги “Маҳаллий ва хорижий инвесторлар томонидан солиқларни тўлашни кечиктириш механизмларини такомиллаштириш ҳақида”ги ПҚ-5274-сон қарорини вилоятда ижросини таъминлаш тўғрисида”ги 345-6-0-Q/21-сонли қарорини туманда ижросини таъминлаш ҳақида**

Наманган вилояти ҳокимининг 2021 йил 3 ноябрдаги “Ўзбекистон Республикаси Президентининг 2021 йил 2 ноябрдаги “Маҳаллий ва хорижий инвесторлар томонидан солиқларни тўлашни кечиктириш механизмларини такомиллаштириш ҳақида”ги ПҚ-5274-сон қарорини вилоятда ижросини таъминлаш тўғрисида”ги 345-6-0-Q/21-сонли қарори ижросини туманда таъминлаш мақсадида, “Маҳаллий давлат ҳокимияти тўғрисида”ги Ўзбекистон Республикаси Қонунининг 6 ва 25-моддаларига асосан,

#### **ҚАРОР ҚИЛАМАН:**

1. Наманган вилояти ҳокимининг 2021 йил 3 ноябрдаги “Ўзбекистон Республикаси Президентининг 2021 йил 2 ноябрдаги “Маҳаллий ва хорижий инвесторлар томонидан солиқларни тўлашни кечиктириш механизмларини такомиллаштириш ҳақида”ги ПҚ-5274-сон қарорини вилоятда ижросини таъминлаш тўғрисида”ги 345-6-0-Q/21-сонли қарорини туманда раҳбарлик ва амалда ижросини таъминлаш учун қабул қилинсин.

2. Ўзбекистон Республикаси Президентининг мазкур қарори билан:

2022 йил 1 январдан бошлаб тадбиркорлик субъектларига (бундан

давлат улуши 50 фоиздан юқори бўлган корхоналар, ер қаъридан фойдаланувчилар ва акциз ости махсулотлари ишлаб чиқарувчилар мустасно) умумий майдони 1000 квадрат метрдан ортиқ бўлган ер участкаларига ва (ёки) бино ва иншоотларга нисбатан мулк ҳуқуқини қўлга киритганда мол-мулк солиғи ва ер солиғи бўйича ҳисобланган солиқларни тўлашни олти ой муддатга кечиктириш ҳуқуқи берилганлиги;

бунда, кечиктирилган солиқлар суммаси давлат рўйхатидан ўтказилган ер участкалари, бино ва иншоотлар қийматидан келиб чиқиб ҳисобланган солиқлар миқдорида белгиланиши;

шундай тартиб ўрнатилганки, унга мувофиқ мазкур қарорнинг 1- бандида назарда тутилган ҳуқуқий нормалар доирасида:

солиқларни тўлашни кечиктириш ҳуқуқи ер участкалари, бино ва иншоотларга бўлган мулк ҳуқуқи давлат рўйхатидан ўтказилган кундан бошлаб уч ой муддат ичида давлат солиқ хизмати органларини хабардор қилган ва унинг тўланишини таъминлаш (гаров) талаб этилмаган ҳолда амалга оширилиши;

солиқларни тўлашни кечиктиришнинг амал қилиш муддати давлат солиқ хизмати органларига белгиланган тартибда хабарнома юборилган кундан бошлаб ҳисобланиши ҳамда унинг тугаган санасидан бошлаб кечиктирилган солиқ суммаси ҳисобланган фоизлар билан бирга тенг улушларда бир йил давомида тўлаб берилиши, бунда, солиқ тўлаш муддатларини ўзгартириш имкониятини беришдан фойдаланганлик учун фоизлар солиқлар кечиктирилган санадан бошлаб Марказий банк асосий ставкасининг 50 фоизи миқдорида ҳисобланиши;

ер участкаси ва (ёки) бино ва иншоотлар солиқ тўловларини кечиктириш муддати давомида реализация қилинган ёки ижарага берилган тақдирда, мол-мулк солиш ва ер солиғи бўйича кечиктириш муддати давомида ҳисобланган солиқ суммаси тўлиқ миқдорда ундирилиши;

солиқ қонунчилигини бузиш хавфи юқори бўлган солиқ тўловчилар гуруҳига киритилган тадбиркорлик субъектларига солиқларни тўлашни кечиктириш тақдим этилмаслиги;

белгиланишича, мазкур қарорда назарда тутилган солиқларни тўлашни кечиктириш муддати тугаганидан сўнг, тадбиркорлик субъектларига

солиқларни кечиктириш ёки бўлиб-бўлиб тўлаш юзасидан белгиланган тартибда маҳаллий давлат ҳокимияти органларига мурожаат қилиш ҳуқуқи сақлаб қолиниши кўрсатилганлигини туманда эътиборга олинсин.

3. Туман ҳокимининг биринчи ўринбосари А.Ахмадалиев, туман Давлат солиқ инспекцияси (К.Кенжаев)ларга манфаатдор идоралар билан биргаликда Ўзбекистон Республикаси Президентининг 2021 йил 2 ноябрдаги ПҚ–5274- сон қарори талабларидан келиб чиқиб, иш ташкил этсинлар.

4. Мазкур қарорнинг бажарилишини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари А.Ахмадалиев зиммасига юклансин.

Туман ҳокими



С.Мўминов